



Avannaata  
Kommunia



Meeqqat Atuarfiini atuartitsinermut  
periusissatut pilersaarut

2022

Ilinniarnermut Ingerlatsivik

# Imarisai

Siulequt	1
Aallaqqaasiut	2
Takorluukkat	3
Pingaartitat	3
<b>Suliassatut pingaartitaq 1 – Atuartitsinerup pitsaassusaata qulakkeerpeqarnissaa</b>	4
Suliniut 1 - Ingerlaavartumik naliliisarneq uppersaasiinerlu	4
Suliniut 2 - Nikerartumik skemaliorneq	5
<b>Suliassatut pingaartitaq 2 – Ilinniartitsisut piginnaasaannik qaffassaaneq</b>	6
Suliniut 1 – Atuartitsisut piginnaasaannik qaffassaaneq	6
Suliniut 2 – Timelærerit piginnaasaannik qaffassaaneq	6
<b>Suliassatut pingaartitaq 3 – IT-mik atuartitsinerup ineriartortinneqarnera</b>	7
Suliniut 1 – Ipad-ip atuutsilersinneqarnerat	7
Suliniut 2 – Alimmasissumik atuartitsineq	7
<b>Suliassatut pingaartitaq 4 – immikkut atuartitsineq peqataatitsinerlu</b>	8
Suliniut 1 – Atuartut ikinnerusut immikkut atuartitsinermut nuunneqartalissapput	9
<b>Suliassatut pingaartitaq 5 – inuiaqatigiinni inuttullu atugarissaarneq</b>	9
Suliniut 1 – Qinngasaaruttarneq akiorniarlugu periusissiaq	10
<b>Suliassatut pingaartitaq 6– Suliqarfinnik akuleriinnik suleqateqarneq</b>	11
Suliniut 1 – Ikaartarfiliineq atualernissamut tualerlaajunermilu susassaqarfimmut	12
Suliniut 2 – Suleqatigiinneq meeqqat ukioqanngitsuniik 6-nut ukiullit pillugit	12

# Siulequt

Meeqqat Atuarfiat tassaavoq inuiaqatigiinni institutioni pingaarnerpaaq. Meeqqat atuarfiat meeqqat, angajoqqaat, ilinniartitsisut aamma perorsaasut piorsarsimassuseq, isumaginninnikkut immikoorutit aningaasaqarnikkut taavalu ilinniagaqarnikkut assigiinngissutit akimorlugit inuit naapittarfigivaat.

Taamaattumik pingaaruteqarpoq meeqqat atuarfiata ingerlanneqarnissaa “tunngaviumik” aalajangiussat malillugit tunngaviosorluunniit malillugu; meeqqap tunuliaqutaa apeqqutaatinnagu meeqqalli pisinnaasai malillugit pineqassooq.

Aatsaat siullerpaamik Avannaata Kommuniiani meeqqat atuarfiat pillugu periusissiamik sanasoqarpoq. Taamaalilluni pingaaruteqarpoq pivusorsioortumik periusissiamik sanasoqassappat, taava oqartussaaqataasut peqataatinneqarnissaat saneqqunneqarsinnaanngilaq.

Avannaata Kommuniiani qaffasissumik anguniagaqartariaqarpugut. Taamaaliornikkut aatsaat malunnaatilimmik meeqqat atuarfiat pitsanngorsaaqataaffigisinnaavarput. Avannaata kommuniani misilitsinnermi angusat qaffasissusaat annertusarneqartuarnissaat takorusupparput. Neriutigaarput meeqqat inuusuttuaqqallu takorluugaat anguniagaallu inuttut atugarisat aallaaviullutik pivusorsioortumik aallaaveqartut. Tassuunakkummi anguniakkat anguneqarsinnaasut siunertarineqarsinnaammata. Meeqqat atuarfiat pitsaasoq tassaavoq inuunermut pitsaasumut peqqinnartumullu aqqutissiuisoq. Uagut politikerit, pisortat, ilinniartitsisut aamma perorsaasut angajoqqaallu sapinngisarput tamaat atorlugu sulissutigissuarput meeqqat inuusuttuaqqallu inooqataanikkut, inuttut aamma ilikkagassatigut ineriartortuarnissaat. Taamaalilluta meeqqat inuusuttuaqqallu ukiuni nutaani, unammilligassarpassualimmi piukkunnarnerullutik sapiinnerullutillu inuussammata.

Piumasaqaatit qaffasipput. Kisiannili suleqatigiinnikkut ilinniartitsineq qaffassarsinnaavarput inerisarlugulu fagini annerni, soorlu kalaallisut, danskisut, tuluttut, matematikkimi aamma pinngortitalerinnermi, taamaasilluta atuartuutigut sakkussisinnaavagut ilinniarfinni ingerlariaqqiffiusuni meeqqalluunniit atuarfiini angussinnaaqqullugit.

Meeqqat atuarfiini pikkorissunik ilinniartitsisoqarpugut, perorsaasut aamma pisortat. Atuarfeqarpugut atuartunik amerlasuunik piuminartunik, tamarmik assigiinngitsut. Tamarmik immikkut ilikkartariaaseqarput takorluueriaaseqarlutillu. Tamarmik immikkut piginnaasaqarput, taamaattumik suliasarput pingaarnerpaaq tassaavoq; tamaasa naaperiarnissaat.

Tassaarusuppugut anguniagallit, meeqqat inuusuttuaqqallu sinnerlugit sinaakkutissanik ersarissunik pilersitsisussat, meeqqanut inuusuttuaqqanullu periarfissanik pilersitsisut.

Palle Jerimiassen  
Borgmester

Lena Ravn Davidsen  
Inerisaanermut Ataatsimiititaliami siulittaasoq

# Aallaqqaasiut

Periusissiaq una atorlugu Avannaata Kommuniani takorluukkavut ersarissarniarpagut. Takorluukkat atuariit pingaartitaannik ataneqartilissuagut taamaasilluni ersarissumik oqariartuuteqarniassagatta.

Periusissiaq aallaaveqarpoq Avannaata Kommuniani Iliuusissatut Pilersaarut 2020-miik aamma Namm. Oqartussat Ilinniartitaanermut Pilersaarutaannit. Anguniagaq kissaallu suliniarfissani suliarineqarpoq atuarfinni aqutsisuni illoqarfiit atuarii 6-nit, tassaallutik Avangersuup Atuarfia, Prinsesse Margrethe Skolen, Kullorsuup Atuarfissua, Atuarfik Edvard Kruse, Atuarfik Jørgen Brønlund aamma Atuarfik Mathias Storch.

Periusissiami anguanigaavoq, siunnerfiusoq pillugu ersarissaanissaq suliaqartuusugut sammivisatsinnik – siunissamut ataatsimoortumik anguniagaqarneq. Taamaattumik iliuusissiaq taaneqarsinnaavoq ungasissumut pilersarusiatut, suliaqartut tamarmik, atuartut, angajoqqaat ilinniartitsisullu, atuarfinni siulersuisut il.il. ilisimasariaqangaat, taamaasillutik ilisimaniassammassuk qanoq naatsorsuutigtiqarneqarlutik.

Ataatsimoorussamik anguniakkat pitsaasut ilagaat digitaliseeriineq. Avannaata Kommuniani atuariit illoqarfinni nunaqarfinnilu 26-ni siammartiteqqapput, ilaat avinngarusimallutik. Ukiorpassuarni unammillernartoqartarpoq nunatta isorartunerata piffimmiit piffimmut tikikkuminaasitsisarnera peqqutaalluni, angallannikkut attaveqaatitigullu.

Qujanartumilli taanna ukiuni kingullerni allanngoriartorpoq, digitalisering aqqutigalugu. Kalaallit Nunaanni Kommunit tamarmik suleqatigiillutik atuartut tamarmik iPad atorlugu atuarternissaannut suliniut “Kivitsisa-Projekt”<sup>1</sup> aqqutigalugu internetimut attaveqaatit atuarfinni tamani attavilersorneqarput, iPad illu atorlugit atuartitsinissamut klassit tamarmik skærmilersorneqarlutik.

Piginnaasatigut ilisimasaqarneq pingaartitatta ilagivaat, tamannalu atuartunut ilinniartitsisunullu pingaaruteqarpoq. Ukioq kingulleq Ingerlatsivimmi aaliangerpugut atuarfinni pisortat pisortanullu tullersortaasut aqutsinermut ilinniaqqinnissaannik periarfissinniarlugit. Qujanartumillu tigulluarneqarluni amerlasuut maannakkut aqutsinermut ilinniarput, naammassissallutillu 2023-mi.

Avannaata Kommuniani Atuarfimmuut iliuusissiaq atuarfinni iliuuserpassuit eqitissuai qulakkeerlugulu ataqatigiissaartumik akuulesitsinissamut malitseqartitsinissamullu pilersarusiorneq. Iliisissami isiginiar-neqassapput ataatsimoorussamik atuarfeqarfeqarneq, kisiannili aamma sumiiffinni atuariit takorluugaat, ilisarnaataat aamma misileraaneri inissaqartinneqassapput. Takorluukkavut angussagutsigit, taava atuarfinni atuartut, siulersuisut, suleqataasut,

---

<sup>1</sup> [www.kivitsisa.gl](http://www.kivitsisa.gl)


angajoqqaat, aqutsitut suleqatigisartakkallu piumassuseqassapput sumiiffigisani aaqqiissutis-  
sanut.

Ilinniarnermut Ingerlatsivik

## Takorluukkat

Takorluugaraarput atuarfinni atuartut sinaak-  
kuserneqarnermikkut pitsaasumik avatangii-  
seqartinneqarlutik atugaqartinneqarnissaat.  
Taamaaliornikkut atuartut kaammattorne-  
qarneratigut ilinniartinneqarneratigullu  
aammalu iluatsittutut isumaqartinneqartutut  
misigitinneratigut kiisalu peqqinartumik aku-  
ersaartumillu iluuseqarnikkut ataatsimoor-  
sinnaassuseqarnissaat.

## Pingaartitat



# Suliassatut pingaartitaq 1

## Atuartitsinerup pitsaassusaata qulakkeerneqarnissaa

### *Pingaarnertut anguniagaq*

Atuartut piginnaasaat qaffassarlugit pissarsiffiulluartumik

Pissarsiffiulluartumik ilinniartitaanermut toqqammaviusoq tassaavoq atuartitaanerp suliartigut pitsaassuseqarnissaa. Pitsaassuseq ilaatigut saqqummersinnaavoq, atuartut ilinniartitsisullu akunnerminni suleqatigiinnerat atuartut ilinniarnertat qaffassarniarlugu, taamaasillunilu periarfissaqaqlerluni ineriartuutaalluartumik atuartunut pitsaasumik attaveqaateqarneq. Tamatuma saniatigut suliartigut pitsaassuseq tassaavoq atuartitaanerp assigiinngiaartuutinnissaa atuartut tamaasa annerpaamik pissarsiaqartinniarlugit. Pitsaassusilimmik atuartitsineq aamma sanarfi-neqassaaq atuartut ikorfartornissaat ilinniarnertanni atugarissaannissaallu siunnerfigalugu, taamaasillutik pissarsiaqarsinnaallutik atuartitaanikkut pilersaarutaasut naapertorlugit.

Tamatumani alaatsinaattoqarsinnaassaaq meeqqallu ilikkagaannut isummersinnaalluni atuartup ilikkagaasa ineriartuutaasalu ersiutaat uppersarsarsinnaallugit, assersuutigalugu nalilersuinikkut periutsit assigiinngitsut atornerisigut atuartup ilikkagaasa nailersuiffiginissaannut. Ersiutit tamakku atornerisarsinnaapput ilinniartitsinerup pitsaassuaanut isumalioqqutissatut ataasiakkaanut, aammali suleqatit peqatigalugit.

### *Suliniut 1*

## Ataavartumik naliliisarneq uppersarsarsarnerlu

2003-mi atuarfiup nutarteriffiqeqarnerani kingornalu meeqqat atuarfianut inatsit 2012-meersumi atuartitaanerp allanngortitaartuuneranik atuartitaanermi toqqammaviusumik tunaartaalermat, perorsaaniutinik suleriuseqarluni atuartunut ataasiakkaanut aallaaviulluni, siunertaalluni atuartup ilinniartitaaneranut ikorfaassasoq, aalajangersaaqataassasoq aamma kajumissaa-taassasoq. Atuarfiup toqqammaviusunik piviusunngortitsinissaanut ikorfartornissaa anguniarlu-gu ilaatigut kaajallaasitaliortoqarpoq ataavartumik naliliisarnerup uppersarsarsarnerullu2 atu-lersinniarlugit, tamakku siunertaraat atuartut ataasiakkaat atuagarsornikkut ineriartornerisa ikorfartornissaat inooqataasutut inuttullu.


Taamatuttaaq ilisimatusarnerup takutippaa, ilinniartitaanikkut nalilersuutit ilinniartitsinermik atuartitsinermillu pitsanngorsaataasinnaanera, ilinniarnep atuartumut ilinniartitsisumullu ersa-rinnerulersarmata. Taamaasilluni nalilersuisarneq atuartitsinerup allanngorartinneranut atati-lerneqarsinnaavoq. Avannaata Kommuniani atuarfippassuit ukiut (arlariit) kingullit ineriartortitsinermik nalilersuisarnermut tunngasoq suliaralugu ingerlassimavaat (Atuartitaanermut qullersaqarfik suleqatigalugu) pitsaasumik/misilittagaqarfiulluartumillu kingunilimmik. Taamaat-tumik siunnerfik taanna nangissuarput ilinniartitsisullu nalilersuisinnaassusaat suli annerusumik nukittorsarlugu.

## Kingunissaatut naatsorsuutigineqartoq

- Atuarfiit tamarmik læringscirkel atussagaat.
- Angusakka oqaaseqaatit inatsisit malillugu suliarineqartalissaaq
- Atuartut tamarmik iliuusissatut pilersaaruteqalissapput.
- Allangorartumik atuartitsineq ingerlanneqalissaaq

## Akisussaasut

Akisussaassuseq atuarfiit ataasiakkaat pisortaanniippoq. Nakkutilliilluni pulaarnerni siunissami pisussani allaffeqarfimmiit ingerlaavartumik siunniuteqaataasut malitseqartinneqartassapput.



## Suliniut 2

### Nikerartunik skemaliorneq

Nikerartumik skemaliornermi pineqarpoq, ilinniartitsisut pilersaarutaasumik atuartitsinginneranni skemaliornissaaq, taamaalilluni paarlattaasartunik atuineq taamaallaat tassangaannaq napparsimanerni ingerlanneqartarluni. Kingullermik ilinniartitsisut isumasioqatigiinneranni marts 2021-mi aalajangiunneqarpoq aallaqqaammut atuarfiit marluk nikerartumik skemaliortarneq trininut angajullernut august 2021 aallarnerfigalugu atorineqassasoq.

## Sunniutissaatut naatsorsuutigineqartoq

Ilinniartitsisumut klassamik atuartitsisumut aamma tamakkiisumik tiiminik atuineq aamma paarlattaasartunik atuinerup annikinnerpaaffimminiitinneqarnera

## Akisussaasut

Akisussaassuseq atuarfiit ataasiakkaat pisortaanniippoq. Nakkutilliilluni pulaarnerni siunissami pisussani allaffeqarfimmiit ingerlaavartumik siunniuteqaataasut malitseqartinneqartassapput.

# Suliassatut pingaartitaq 2

## Ilinniartitsisut piginnaasaannik qaffassaaneq

### *Ataatsimoorussamik anguniakkat*

Ilinniarsimasunik pisinnaasalinnik ilinniartitsisoqarnissaq aqutsisoqarnissarlu, taamaalillugit atuartunut pitsaasunik nuannersunik toqqissisimanartunillu avatangiisiliisinnaasunik, tapersersuillutillu kaammattuisunik meeqqanut tamanut piginnaasatigut aamma ilinniagassatigut tunniussisinnaasunik ilinniartitsisoqartinneqassapput,.

### *Suliniut 1*

## Atuartitsisut piginnaasaannik qaffassaaneq

Ilinniartitaanermut aamma atuartitaanermut aqutsisoqarfimmut aqutsisoqarfimmit meeqqat aturfiani ilinniartitsisunut pikkorissaanermut aamma ilinniartitaanermut akisussaasuvoq ilinniartitsisut pikkorissarnissamut aamma iliniarnissamut aturfimmi aqutsisumut qinnuteqartarput, tassanilu ilinniartitsisunik aamma aturfimmi pisariaqartitsineq tunngavigalugit qinersisoqartarluni. Ilinniartitsisut ataannarnissaat aamma piginnaasaasa annertusarneqarnissaat pigiinnarumallugu taamaaliornikkullu misilitsinnermi misissuinnermilu inernerisat tamakku ingerlanneqartarput.

### *Sunniutissatut naatsorsuutigineqartoq*

Atuartitsinerup pitsaassusaata qaffasissumiiginnarnissaanik sunniuteqassaaq.

### *akisussaasut*

Akisussaasuupput ilinniartitsisoq aturfuillu pisortaa.

### *Suliniut 2*

## Timelærerit piginnaasaannik qaffassaaneq

Timelærerit piginnaasannik qaffassaataasunik pikkorissarnissamut imaluunniit meeqqat aturfiani arlaatigut ilinniartitsisumut ilinniarnermut neqeroorfigineqartussaapput, immaq ukiut sisamat sivilissusilimmik ungasianiit ilinnarnermik neqeroorfigalugit, tassani avataaniit ilinnarnermi nunaqarfimmi najugaqaannarluni ilinniartoqarsinnaalluni.

### *Sunniutissatut naatsorsuutigineqartoq*

Atuartitsinerup pitsaassusaata qaffasissumiinnissaa atuartullu pisinnaasalinnik ilinniartitsilluarsinnaasunik ilinniartitsisoqartinneqarnissaat, taamaaliornikkut atuartut pisinnaasaasa qaffassartuarneqarnissaat anguniarlugu.



## *Akisussaasut*

Akisussaasuupput ilinniartitsisoq atuarfiullu pisortaa.

# Suliassatut pingaartitaq 3

## **IT-mik atuartitsinermut ineriartortinneqarnissaa**

### *Anguniakkat pingaarnert*

Anguniagaavoq atuartut ilinniartitsisullu digitaliusumik piginnaasaasa qaffassarneqarnissaat, taamaalillutillu piginnaasatik atuagarsonikkut ineriartortinniassagamikkit, aammali ditigtaliusumik atuisinnaanerisa qaffasissusaa pitsanngorsartuarnissaat. Atuagarsornikkut kivitsineq pissaaq perorsaaniutit-ilikkajassutsip atuarfimmi atuuttup allanngortinnerisigut ilaatigut Ipad3-mik atuinikkut ungasianiillu atuartitsinikkut sumiiffinni ilinniarsimasunik pisariaqartitsiffiusuni.

### *Suliniut 1*

#### **Ipad atuutsilersinneqarnerat**

Ipad atortinneqalerneranni suliniutigineqarpoq atuartut misissuinerullutik atuagassanut ukkassinerullutik suliniuteqarnerullutillu ilinniarsinnaalernissaat peqatigisaanillu ilinniartitsisut tamatigoornerusumik ineriartuutaasumik Ipad atorlugu ilinniartitsisinnaanngornissaat.

Tamatumani piumassuseq nukittorsarneqassaaq, ilinniartitsinermilu atuartut suliassaminnut suleqatigiillutik nutaaliorlutik pinngortitsinissamillu nuannarisaqarlutik ingerlasinnaanerit pingaartinneqarlutik.

### *Sunniutissatut naatsorsuutigineqartoq*

Atuarfimmi perorsaanikkut ineriartuutaasumik sulinerup qaffasinnerulerneranik allanngorneranillu kinguneqartussatut aammalu atuartut pisinnaasaasa ukiut tallimat ingerlaneranni 10%-timik kiisalu ukiut 10-it ingerlaneraanni 30%-timik qaffatsinneqarnissaat anguniarneqarpoq.

### *Suliniut 2*

#### **Alimmasissumit atuartitsineq**

Avannaata kommuniani nunap isorartussusaa tunngavigalugu tikikkuminaassinnaasuni ungasissunilu taamaalilluni ilinniartitsisunik amigaateqarfiusuni pamersaanikkut assoralisimaarfiusinnaasunut ungasianiit atuartitsineq periarfissiivoq.

Kommuninitsinni ilinniartitsisut ilinniarsimasut amigaataaneri pissutigalugu suliassatut pingaarnertut isingaarpud, suliassanut pikkorissuseq aamma peqqissaarneq tunngavigalugit

atuartitsineq, tassani ungasissumiit ilinniartitsisut atuarfinni ilinniartitsisunik aalajangersimasunik amigaatilinni pisariaqartitsisuni ungasianiit atuartitsissallutik.

### *Sunniutissatut naatsorsuutigineqartoq:*

Siunissami meeqqat atuarfiani ungasianiit atuartitsineq pitsaanerusoq, atuartut piginnaasaannik aamma angusanik qaffassaanermik tunngavilimmik ungasianiit atuartitsineq. Taamaalillugit paarlattaasartut ikilisinneqassapput.

- Illoqarfiit nunaqarfiillu aalajangersimasut atuarfiini ilinniartitsisunik amigaateqarfiusuni ungasianiit atuartitsisussanik pilersitsineq
- Ungasianiit ilinniartitsisutut iliniartitsinissaq

### *Akisussaasoq:*

Suliniuteqqaatut “alimasissumit ilinniartitsineq” Kivitsisap ataaniippoq, Kivitsisallu Avannaata Kommuniyani 2023/2024 alimasissumit ilinniartitsineq pilerseriarpagu, akisussaaffik atuarfiit aqutsisuiniilissaaq ingerlatsivik suleqatigalugu.

## Suliassatut pingaartitaq 4

### **Immikkut atuartitsineq aamma akuunerulersitsineq**

#### *Ataatsimoorussamik anguniakkat*

Atuartut sapinngisamik ikinnerpaat immikkut atuartinneqartarnissaat aammalu sapinngisamik amerlanerpaat atuarfimmi nalinginnaasumi atuarnissaat kommunimit anguniagaavoq.

Atuarfinni atuartoqarpoq immikkut pisariaqartitsisunik, taamaattorli ilaqartarput annertuumik immikkut tapersorneqarnissamik ikiorneqarnissamillu pisariaqartitsisunik, peqatigisaanillu allaqarluni nalinginnaasumik inuuneqarsinnaanersut nalilersortariaqartunik. Tamanna tassaavoq meeqqap inuunerani immikkut atuartitsinermut innersuunneqarnermi annertuumik attuisoq isumaqartorujussuarlu. Taamaalilluni aaqqiineq tamanna meeqqap ajornartorsiulernerani siullertut iliuusaasariaqanngitsoq.

Klassimi ataatsimoornermut meeqqap peqataaffigisaanut qanoq akuutitsinerunissarput pitsaanerusumik nalilersorinnaasariaqarparput. Imaassinnaavoq pisariaqartoq marlunnik ilinniartitsisoqartitsinissamik aaqqiisoqartoq imaluunniit ilinniartitsisuni ataasiakkaani klassimi aqutsinermi piginnaasat qaffassarneqarsinnaanersut aamma klassimi qanoq ataatsimooqatigiissinnaanerit isiginiartariaqarpagut. Tamanna ilinniartitsisuni ataasiakkaani ataqatigiissitsisinnaanermik piginnaasatigut aamma klassini qanoq ataatsimooqatitsisinnaanermi imaluunniit qinngasaarunnermut tunngatillugu meeqqap atuarnissamut qanoq kajumissuseqarnerani qanorlu atuartitsinermik meeqqamut isumaqartumik

pissarsiaqartigineranni takuneqarsinnaasarpoq. Taamatuttaaq meeqqap misiginnaasariaqarpaa pissusissamisoortumik atuarfimmi ataatsimoornermut peqataatinneqarneq tikilluaqqusaasutullu misigitinneqarneq.

Akuutitsisarneq pillugu inatsit 1. Maj 2012-meersumi anguniagaavoq minnerpaamik atuartut siorngatigut immikkut atuartitsinermit malittarisassaniissimasut affaasa missaat nalinginnaasumik atuartitsinermit inissaqartinneqartariaqarlutillu nalinginnaasumik atuartitsinermit tunngavissaritinneqartuni peqataatinneqartalissasut. Tamatuma nalinginnaasumik atuarnerup qanoq aqqissuussaanerata aamma ingerlanneqarnerata eqqumaffigineqarnerunissaanik tikkuuppaatigut.

### *Suliniut 1*

## **Atuartut ikinnerusut immikkut atuartitsinermit nuunneqartalissapput.**

Meeraq peroriartornermini aamma atuarfimmi ilikkagassanut tunngatillugu assorooruteqartutut aamma ajornartorsiutilittut isigineqartillugu MISI siunnersuinermit iliuusissanillu ikiutissaaq. Atuarfik angajoqqaallu sinnerlugit meeraq innersuusiorneqassaaq, taannali meeqqap perorsaanikkut tarnikkullu nalilersorneqarneranik imaqassalluni, sapaatip akunneranut akunnialuit immikkut atuartinneqarnerusinnaasumik.

Meeqqap immikkut atuartinneqalenera iliuusaavoq annertoq, tamannalu piffissaq killilimmik atorneqartariaqarluni aamma pisariaqartitsineq tunngavigineqartariaqarluni. Unammilligassanut tamanut tamanna atortariaqanngilaq.

### *Sunniutissatut naatsorsuutigineqartoq*

Atuartut immikkut pisariaqartitsisut atuarfimmi nalinginnaasumi inissaqartinneqarnissaat.

### *Akisussaasut*

Misi-Avannaa atuarfillu suleqatigiillutik akisussaaffeqatigiipput

# Suliassatut pingaartitaq 5

## Inuiaqatigiinni inuttullu ineriartorneq

### *Ataatsimoorussamik anguniakkat*

Peqqinnartumik toqqissisimanartumillu atuartsiviusinnaasumik atuartut neqeroorfigineqarnissaat, taamaaliornikkut atuarfik kaammattuutaasumik atuartsivimmik neqeroorsinnaalluni aammali meeqqap misilitsinnermini angusassaasa sapinngisamik pitsaasumik kinguneqarnissaat anguniarneqartuassalluni. Kiisalu atuarfimmi atugassarititaasut aqputigalugit inuiaqatigiinni inooqataanissamut pitsaasunik tunngavileeqataanissaq siunertaralugu.

Qinngasaaruttarnerup pitsaaliorneqarnissaanik suliniutit ingerlatiinnarnissaat, qinngasaaruttarneq akiorniarlugu sulineq, klassit ataasiakkaat nukittorsarneqarnerannik sulineq kiisalu atuartut angerlarsimaffiini atuartut pitsaasumik peroriartornissaannut sulineq

### *suliniut 1*

## Qinngasaaruttarneq akiorniarlugu periusissiaq

Klassit ilaani qinngasaaruttarneq akeqqersimaarnerlu inuunermut ilaasinnaasarpoq, taamaattumillu aamma qitiulluinnarpoq klassini ataatsimuussuseq peqataatitsinerlu eqqartorneqarneratigut, taamaaliornikkut klassit tamarmik toqqissisimallutik atuarfimmullu tikilluaqqusaallutik misigisimassavaat.

Klassini annertuumik qinngasaarunneq atuutsillugu tamanna pissutsinut allanut sunniisartorujussuuvoq. Siullertut klassimut takkutinngitsuukulanerit atuarnissamullu kajumissuseerunneq atuutilersarput. Peqatigisaanillu atuagarsornermi pissarsiarineqarsinnaasut atuarnermilu ilikkagassaraluit piffissaq ungasinnerusoq isigalugu imminut tatineq annikillisinnaavoq inuttullu unammilligassat annertusillutik, taamaalisoqartillugu qisuariarnerit avatangiisinut tussinnaallutik, imaluunniit matoqqanermik kinguneqarsinnaallutik, meeraq nuannaarunnaassaaq immaqalu erngumasunngorluni.

Atuarfinni qinngasaarunneq akiorniagassaraarput. Aammalu atuarfimmi atuartsineq pitsanngorsartussaavarput, peqatigisaanillu meeqqap piginnaasai qaffassartussaallutigit. Kiisalu klassimi ataatsimuussuseq nukittorsartussaavarput.

Kissaatiginarpoq ajornartorsiortoqartillugu meeqqap silarsuaa ilanngullugu eqqarsaatigineqartarnissaat. Ilaatigut puigorneqartarnera aammalu taamaalillunit inersimasut soqutigisaat aallaavigalugit aaqqiisoqartarluni.

Pingaaruteqarpoq takusinnaassallugu suna meeqqamit soqutigisaanersoq, taamaalillugulu takunnissinnaaneq tamakkiisoq ataqatigiissorlugu takusinnaanngortarparput. Meqqaat iliutsiminnik iliornissaannut pissutissaqarluartarput. Ataatsimuussusermut peqataarusussuseqarput ilisimasatillu tunngavigalugit attaveqatigiittarlutik.

### *Sunniutaasussatut naatsorsuutigisat*

Klassini tamani qinngasaaruttarnerup akiorniarneqarnissaanut suleriesiornissaq, kiisalu klassini tamani atuuttussanik klassini naleqartitassatut aalajangiussanik suliaqarneq. Imaassinnaasoq qanoq kammalaataalluarsinnaaneq allallu eqqarsaatigalugu inuunissaq sammineqartoq.

Atuartunut atuarneq piumassuseqarfiunerusoq aamma pitsaanerusementik inuuneqalerneq. Qinngasaaruttarneq annikillisarlugu. Taamaaliornikkut ataatsimuussuseq atuarfimmu atuartunullu pitsaasoq anguneqarsinnaavoq. Taamaaliornikkullu pitsaanerusementik pissarsiaqaataanerusementik ilinniarsinnaaneq avatangiisiliunneqassaaq.

Meeraq immikkoortinnagu ataatsimut tamakkiisumentik eqqarsarnissarput. Pisariaqanngilaq ajornartorsiut inummut ataatsimut isiginnittunngortinneqarnissaa, naak taamatut isigineqarsinnaagaluartoq. Taamaattumik suliniuteqarnermi tamakku ilanngullugit eqqarsaatigineqartariaqarput.

### *Akisussaasut*

Akisussaaffik atuarfinni ataasiakkaaniippoq.

## **Suliassatut pingaartitaq 6**

### **Suliaqarfinnik akuleriinnik suleqateqarneq**

#### *Anguniagaq pingaarneq*

Ulluunerani neqeroorutinut, meeqqat atuarfiannut sunngiffilerinermilu ataatsimoortumik akisussaaffiuvoq, ikaarsaariarnermi suleqatigiittarnissaq taamaasilluni ataqatigiisumentik pilersitsisoqasamat meeqqamut toqqissisimanartumentik, taannami ikaarsaariarnermi ulluunerani neqeroorummik arlaannut ikaarsaariarnerani, imaluunniit paaqqinnitarfimmik atuarfimmu, paaqqinnitarfimmilluunniit sunngiffimmi neqeroorummut.

Suleqatigiinnerit tamarmik meeqqerivinni børnehaveni angajullit atualernissamut ikaarsaariarnermi paaqqinnitarfimmik atualerlaalerisunut sulisuusut akornanni siunnerfilimmik suleqatigiiffiusaaq sapinngisamentik meeqqat atualernissaannut piareersimatinniarlugit. Anguniagaavoq meeqqat toqqissisimanartumentik ikaarsaarnissaat pissutsillu ilisararnissaat ikaarsaariarnermi immik-

koortuni tamani naatsorsuuteqarfiginerini. Meeqqat ilisimasassanik ilikkagassanillu pissarsissap-put meeqqerivimmi, meeqqat atuarianni sunngiffimmilu neqeroorutaasunit taakkunanilu sanar-fineqaqqissinnaassallutik.

### *Suliniut 1*

## **Ikaartarfiliineq atualernissamut atualerlaajunermilu susassaqarfimmut**

Nunaqarfinni atualernissamut piareersarnerup malinnaaviunera pisarpoq "Suleqatigiinnissamik isumaqa-tigiissut Atualernissamut sungiusarnermi Ulluunerani neqerooruteqarfiup atualerlaanilu Nukaaraq-kut akornanni".

### **Kingunissaatut naatsorsuutaasoq:**

Paaqqinnittarfimmiikatuarfimmu ikaarsaarnerup tamakkiisuunissaa taamaasilluni meeqqamut perorsaa-niutitut sulianiik ilinniagassatut sulianut ikaarsaarsinnaalluni meeqqallu atualernissaminut toqqissisima-neq tatiginninnerlu pigilersimassallugit.

### **Akisussaasut:**

Nunaqarfinni angerlarsimaffimmi paaqqutarinnittarnermik aaqqissuussiffiusunik, nunaqarfinni ilinniartitsisup akisussaaffigaa atualernissamut sungiusarneq.

Nunaqarfinni ulluunerani paaqqinnittarfilimmi meeqqeriviup pisortaata akisussaaffigaa nuna-qarfinni ilinniartitsisoq suleqatigalugu.

### *Suliniut 2*

## **Suleqatigiinneq meeqqat ukioqanngitsuniik 6-nut ukiullit pillugit**

### **Suliniut:**

TOPI-p misileraataanera: "Siusissumik nassaarineri suliniuteqarfiginerilu" meeqqerivinni misile-raataasuni 5-ni Ilulissani Saqqamilu ukiut tulliini 2-ni aallartillutik nov.2021.

Suliniutaaqqaartoq "TOPI" tassaavoq nalilersuineq meeqqat inuunerissaarnerannut, ilikkajassu-saannut ineriartornerannullu, suliniummi pingaarnermi "Meeqqat 0-niik 18-ninik ukiulinnut" suli-niutigineqarneranut ilaasoq, taava suliaqarfiit akuleriillugit suleqatigiiffiuvoq Pinaveersaartitsi-nermut Isumginninnermullu pissutsinut Aqutsisoqarfimmiit, Peqqinnissaqarfiup Qullersaqarfia aamma Ilinniartitaanermut Qullersaqarfiup akornanni.

### **Sunniutissaatut naatsorsuutaasoq**

Siusinaartumik meeqqat nassaarissallugit iliuuseqarfigissallugillu immikkut pisariaqartitsisut, su-sassaqarfiit akuleriisillugit suliniuteqassasut illuatungeriinnut tamanut ukiut marluk qaangiunne-

ranni, taamaasilluni digital-imik periutsumut akuutinneqarsinnaalerluni Avannaata Kommuniata ulluunerani neqeroorutaani tamani.

### **Akisussaasut**

Ingerlatsivik suliniummik suleqataasut suleqatigalugit